

古今事文類聚

新集
十四之十七

~~99
76~~

逍遙文庫
文庫 6
28
76





新編古今事文類聚新集卷之十四

南江 富大用 時可 編

金陵 唐富春 子和 刊

六曹部

兵部尚書

歷代沿革 兵部尚書 周之夏官太司馬卿也 漢置五曹未有主
 兵之任 魏置五兵尚書謂中外兵騎兵別兵都兵也 晉太
 始中有五兵尚書 宋齊梁陳皆有之 後魏置七兵尚書 後周
 置太司馬卿一人 隋改兵部尚書 唐龍朔元年改司戎太常
 伯咸亨復光宅改夏官尚書 神龍復天寶改武部尚書 至德
 復掌武官選舉總判兵部職方駕部庫部事 其分領選舉亦

為三銓如吏部宋尚書掌武舉民兵廂工軍鹵簿及蕃夷官
負承襲之事凡聯其什伍而教之戰兵部武選之制倣貢舉
法若遣將出兵露布奏捷必告於廟其屬有二曰職方郡縣
地圖蕃夷歸附之事隸焉曰駕部輦輅車乘廐牧驛傳之事
隸焉曰庫部軍器儀仗鹵簿供帳之事隸焉元豐五年九月
詔應沿邊義勇保甲事並隸樞密院其餘民兵悉隸兵部建
炎二年併衛尉寺歸兵部元仍唐宋舊置兵部掌兵籍軍器
鎮戍廐牧鋪驛車輅儀仗郡邑圖志險阻障塞之事置令史
分掌名頭以尚書為長

羣書要語四曰夏官其屬六十掌邦政周禮乃立夏官司馬使
帥其屬而掌邦政以佐王平邦國夏官司馬掌邦政統六師平

邦國周官矧惟若疇圻父薄違注圻父司馬也祈父子

王之瓜牙詩睢鳩氏司馬也左傳夏官太司馬之職掌以九代

之法正邦國制軍誥禁以糾邦國領校人牧師職方司兵之屬

即今兵部之任也通典尚書太司馬亦曰夏卿職林太司馬者

武官也大總武事訓馬為武者取其健行釋名兵部為西曹崔

融選人議惟茲夏官實掌戎政白居易行柳公綽制緝熙九法

董正六師孫述授李林甫制九法以正邦國蔡謨讓五兵尚書

疏中臺政事所出兵部司馬之任南豐擬制夏官掌武超進崇

資楊億代表文昌七兵之秩同上周禮命卿司馬掌國征之事

歲表類恭守戎曹訓齊武郡簡稽之務軍國是殷許公集周之

九法歷代用焉故夏官之重位高久虛錢坫授陸辰兵部尚書

音義類

制武選隸於天官兵政總於樞輔故司馬之職獨省文書東坡
表掌天下兵衛武官選授之政令凡軍師戍卒之籍山川要害
之圖既牧甲仗之數六典

古今事實

為縉雲

黃帝夏官為縉雲史記

觀鳳凰

黃帝坐玄扈之樓上與司馬容光臨觀鳳凰之至河圖

以三公領

周成王時畢為三公兼領司馬之職釋名

為宰相兼

唐姚崇為宰相兼兵部尚書屯戍斥堠士馬儲械無不暗記

南省視事

唐李輔國為兵部尚書南省視事使武士戎裝夾道唐書

岐路大用

唐朱泚為兵部尚書自得岐路必當大用封川多方沮之同上

數訪時政

唐王起字舉之為兵部尚書文宗數訪逮時政起因積雨願寬

逐臣唐職林

召入坐語

宋黃中為兵部尚書兼待讀每常入直上常先遣人候視至則
亟召入坐語從容月必一再見公知無不言朱文公撰黃端明

居榮尚簡

唐李懷遠除兵部尚書雖入居榮位而彌尚簡率常乘款殷馬左僕射豆盧欽望曰公榮貴如此何不買駿馬乘之荅曰此馬幸免驚蹶何假別求聞者歎美通典

指樹而懷

唐吳湊為京兆尹以能政兼兵部尚書街樹缺所司植榆以補之湊曰榆非九衢之玩亟命易之以槐及槐陰成而湊卒人指樹而懷之

奏停參辭

唐令狐楚諸道新授方鎮節度使等執弓弩帶器械就尚書省兵部參辭楚奏軍國異容古今定制事不由舊斯為改常未聞

省閣之門忽內弓刀之器鄭注外蒙恩寵內蓄兇狂首創奸謀將興亂兆致王播郭行餘之輩敢驅將吏直詣闕庭震驚乘輿騷動京國雖既往不殆而其源尚開伏乞速令停罷如須參謝即具公服從之

坐失軍容

唐元宗初即位十一月講武於驪山兵部尚書郭元振坐虧失軍容將斬以狗張說於馬前諫曰元振有功於社稷雖軍令不可加刑乃配流新州

疏劾亂行

宋祀南郊蘇軾以兵部尚書為鹵簿使上因太廟宿齋行禮畢特至青城忽有赭傘犢車并青蓋犢車百餘乘衝突而來公呼

御營巡檢使立車前曰西來誰何敢爾亂行曰皇后并其國太夫人某太長公主也公即於青城上疏劾之明日中使傳命申勅有司嚴整仗衛言行錄

論制狄道

宋兵部尚書王庶論制狄之道在於民周文王問太公以為國太公曰愛民而已兵書無不本諸愛民者上歎曰大臣才也遂拜樞密副使中興係年錄

古今文集

雜著

為楊執柔讓夏官尚書表

李嶠

光寵載臨震悸交集臣某中謝臣學無所成志不遠及徒以憑

託霄漢接南陽之近親感會風雲附西京之外戚遂得叨恩藉幸服冕乘軒將燕雀而同化共鸞鳳而並翼自升榮軒闥接武卿士徒察河海之象竟乏消塵之效竊位妨賢自其屏黜循涯揣分敢希超獎而聖造不貲天波累洽仍降非常之澤更申踰等之命豈惟連芳八坐上比七星固亦分職五曹專司九法昔虞登百揆命喉舌之官晉簡庶僚崇元凱之秩自時厥後此選允難自非宿望通才高賢舊德何以別邦國之大典膺腹心之所寄臣尸忝無成實彰於既往朽劣不逮難冀於將來雖輸報有心而勉勵無術寧敢自安時謗屢玷國猷綜理機衡搜擇才俊而至公之道未廣於翹新則作哲之明近謬於庸菲恐人物解體衣冠失望伏乞暫迴冲鑒俯絕過恩更弘尚德之舉不矢

能官之授則濟濟庶寮自有脫於多士區區庸鄙倘無譏於侯

為歐陽通議夏官尚書表

李燾

非常之恩忽萃庸朽顧匪服而增覲奉如絲而自失臣通中謝
臣聞思皇多士必求於俊人惟帝念功不寄於保庸臣識量凡
淺志業空乏刀筆之吏能無俎豆之經術徒以積勞為忝又
官成資承日月之末光霑雨露之弘貸文士之組每慙於假竊
尺一之制更獎於庸微俛仰慙惶屏營反側夫以天臺峻密帝
猷殷曠端按隆於八座樞衡總於萬機非夫才賢孰能綜理况
周官司馬有甲兵之職漢服珥貂兼喉舌之任歷觀前載此選
尤難安可以樗櫟散材瓶簞小器比德陳劔差蹤鄭履豈無慙

於讓寵實有懼於妨官今聖曆惟新王化資始天土其代帝難
所急伏願特寢過恩苟求實用塞多幸之路開至公之道則巨
鱗縱壑朝有得賢之頌惟鵠在梁臣無濫官之責

兵部尚書壁記

杜頤

周官大司馬即今兵部尚書屬掌邦國之政以九法封國以九
伐正邦以籍我畿以徂我牧弘有萬類阜成兆民訏謨戎馬之
事家勿鈞衡之地自我唐受命訖于今居夏官者衆焉或列於
台階者蓋寡矣所以任必以親以德以勲以賢穆如清風翼我
玄化率惟茲有典用保又有邦二十一年冬十一月詔工部尚
書李公典之政敷以時道濟於物優游學府蔚為祠宗以公族
之英受親賢之寄屬家宰虛位官吏要才載委天衡是掌邦理

禮樂天付衣冠人秀忠以匡濟文以經綸謀明道高功格化洽
 昭乃王度簡于帝心九命可以見其賢四征可以觀其績鎮朔
 方以無名之討八年而正虜平攻石堡以不陣之師一旬而戎
 狄懾服榆關之役用兵以奇故杖鉞而兵勝大河之戰戒軍以
 嚴故坐帷而軍捷建奉常之禮則神人叶上下和從夏卿之政
 則萬國平六卿睦辨九州之國知其奸宄同其貫利掌六馬之
 物駕理以則講獻以時握五兵之要以辨功理以待軍事此九
 職司馬政之所統也王勤政以和是以戎翰允輯拒旅以蒐舍
 禽以苗理治以彌太閱以狩此四田司馬教之所被也王敦教

以就禮是以祀典孔明初則以法示其令也終則以伐明其德
 也九功惟序九序惟歌是用陳既往之烈徠今來之美以書于
 屋壁

兵部長貳題名記

周必大

大小司馬著於周官歷代沿革可考也本朝倣唐六典曰兵部
 凡民兵廂軍蕃兵剽負武舉投試武藝金吾衛司人兵及大將
 出征告廟破賊露布鹵簿字圖若蕃夷屬戶授官封之事皆主
 之曰職方凡天下地圖城隍堡寨烽候之數蕃夷歸明內附之
 事皆主之曰駕部掌凡輦輅車乘廐牧雜蕃乘具傳驛之政令
 辨其出入之數曰庫部掌凡軍器儀仗鹵簿法式隨軍防城什
 物及凡供帳之事是為四司而其主判率用他官所謂長貳姑

以寄祿而已尚書今銀青光祿大夫也侍郎今正議大夫也位
 序既高非率執侍從鮮能至故方任事時自揚乃職有如歸班
 猶弗敢替畫規之義名公鉅卿磊落相望抑有由也元豐肇新
 官制尚書從二品侍郎從三品實坐曹治事名稱正矣而武選
 隸天官兵政歸西府其職視唐猶簡況於成周乎雖然古號六
 卿今日近臣使其告猷可以沃上心陳力可以大厥官則天下
 國家將陰受其賜焉在事之繁簡也若乃自畫于有司視成於
 胥吏縱法不爾繩課不爾殿得而無愆乎某五年之間兩以他
 官承懾惟亞去秋遂員真秩恩厚而能薄身勤而才不逮夙夜
 以思何忍如之暇日視別部率有壁記紀前人名氏乃起中興
 之元逮今五十年得長貳百人而兼行其事者在焉抵牾踈略

有所不免大槩具是矣元祐二年始置權侍郎從四品明年置
 權尚書正三品崇寧改元遵元豐之舊建炎四年復權侍郎紹
 興八年又復權尚書而建炎三年嘗詔六曹惟吏部備官餘長
 貳互置近歲以來乃或並除損益時也何常之有故具列于上
 俾來者得攷觀焉淳熙二年十一月記

青州謝上表

歐陽脩

掌國五兵叨進中臺之秩宣風一尚俾綬東土之人祗荷寵榮
 徒知殞越臣某中謝伏念臣學非通敏材實空疎幸逢千載之
 休明誤被三朝之獎擢以陪法從常與政機國恩未報而身已
 先衰世塗可畏而命亦多蹇頃緣災疾遂決退休敢期上慙於
 皇慈未忍遽捐於舊物而復過承優渥以慰癯殘惟孤拙之無

珙蹈艱危而已甚世之所榮者臣之所惧人以為寵者臣以為憂是故輒殫悃恤之誠累黷高明之聽迫於危慮固避煩辭而聖度并容寬其罪戾恩言屢降譬以可噤知成命之難回勉覲顏而祇受而况全齊舊壤負海與區民俗富完而鑿井耕田各安其業詔條寬大而奉法守職足以脩官內省庸虛奚盼黍稷此蓋伏遇皇帝陛下日新求治天覆推仁謂簪履雖為於賤微尚堪收錄而太馬苟豐干黍養猶可使令臣敢不策勸疲羸勤思夙夜庶期盡瘁以答鴻私

兵部侍郎

歷代沿革 兵部侍郎 周官夏官小司馬中大夫也漢以來有尚書侍郎後周依周官隋置兵部侍郎唐因之龍朔為司戎少

常伯光宅中為夏官侍郎後復故舊制一員正三占中總章元年加一員掌武選地圖車馬甲械之政令凡軍以籍統隸者閱習按試選募元豐正名除許將試兵部侍郎自此始也元仍之置兵部侍郎

羣書要語 小司馬之職 周禮 析父之貳夏卿之亞 張九齡為裴

光庭碑

入亞六卿共行司馬之法出膺九命俱受元戎之律伯

樂州記

惟茲夏官實掌戎政簡稽調補今方其時司馬貳卿佐

平邦國

百集除柳公綽兵部侍郎制 六卿之亞皆高選也而夏

官實主武事還貳析父用均爾勞 曲阜除陳垣制

古今事實

未幾拜相

蔣伸字大直為兵部侍郎宣宗雅信愛伸每見咨天下得失伸
三起三留曰他日不復對卿矣伸不喻未幾拜相云

仍令知選

盧承慶遷民部侍郎太宗尋令檢校兵部侍郎仍知選事承慶
辭曰選事職在尚書臣今堂之便是越局太宗不許曰朕今信
卿卿何不自信也

父子同省

唐崔湜為兵部侍郎父挹為兵部侍郎父子同為南省副貳有
唐未有

祖先有勳

唐衛次公為兵部侍郎選人李勣徐有功之孫名在黜中公召

而謂曰子之祖先勳在王府豈限常格並優秩而遣之

能紹祖英

唐盧元輔端靖介正能紹其祖英本傳

故有家風

唐太宗以楊洪禮有文武材擢為兵部侍郎入參機務出統眾
攻戰太宗曰越公兒郎故有家風矣

弘武諷帝

唐楊弘武為司戎少常伯遷西臺帝嘗謂曰爾在戎司授官多
非其才何耶弘武曰臣妻剛悍此其所屬不敢違以諷帝用后
言帝笑不罪

韋澳論諫

唐韋澳遷兵部侍郎與同寮蕭實深為宣宗所遇每二人同直無不召見詢訪時政有邦國刑政大事中使傳宣草詞澳心欲論諫却曰此一事須降御札方敢施行遲留至且必論其可否上皆多從之

條奏八事

宋許將入為兵部侍郎條奏八事以為兵之事有二曰禁兵曰廂兵曰民兵馬之事有二曰養馬曰市馬曰牧馬兵器之事有二曰繕作曰給用 東都事畧

首奏四事

宋周文忠公權兵部侍郎首奏四事曰重待從增臺諫擇監司郡守又任監司郡守上曰皆今日要務也 言行錄

手畫形勝

宋王敏節庶為兵部侍郎對便殿口陳手畫秦隴形勝利害上大喜即日遷兵部尚書 北盟會編

密言恢復

宋周簡惠公奏除兵部侍郎元頰亮斃張公自督府來朝密言恢復公請對謂不可輕舉累數千言上唯唯五月敗書聞上思公言以左中大夫參知政事 平園集

加詆和議

宋兵部侍郎張壽方詆拜詔之議秦檜患之壽託疾在告檜使獲炳諭之曰北扉闕人上欲以公為直院宜早出壽大駭曰愈不敢出矣若使竟國書豈能曲狗意哉壽嘗思之不遍一去

檜不能奪遂止

中興係年錄

氣折羣醜

宋李文敏公邴召為兵部侍郎苗劉反露刃宮門上登樓撫諭公亟趨前叱苗劉等兇談稍息公扣宰相朱勝非問討策傳等皆在公反覆鑄語人為公危公無懼色太后垂簾勝非奏變敵以來能助朝廷者惟李邴鄭穀乃除公翰林學士上賜親札略曰卿毅然正辭氣折羣醜萬眾動色具臣覲顏周益公集

古今文集

雜著

上兵部李侍郎書

韓愈

十二月九日將仕郎守江陵府法曹參軍韓愈謹上書侍郎閣

下愈少鄙鈍於時事都不通曉家貧不足以自活應舉官凡二十年矣薄命不幸動遭讒謗進寸退尺卒無所成性本好文學因厄悲愁無所告語遂得究窮於經傳史記百家之說沈潛乎訓義及復乎句讀靡磨乎事業而奮發乎文章凡自唐虞已來編簡所存大之為河海高之為山嶽明之為日月幽之為鬼神織之為珠璣華實變之為雷霆風雨奇辭奧旨靡不通達惟是鄙鈍不通曉於時事學成而道益窮年老而身益困私自憐悔其初心髮禿齒豁不見知己夫牛角之歌辭鄙而義拙堂下之言不書於傳記齊桓舉以相國叔向攜手以上然則非言之難為聽而識之者難遇也伏以閣下內仁而外義行高而德鉅尚賢而與能哀窮而悼孤自江而西既化而行夫今者入

守內職為朝廷大臣當天子新即位汲汲於理化之日出言舉
重宜必施設既有聽之之明又有振之之力審戚之歌駿明之
言不發於左右則後而失其時矣謹獻舊文一卷扶樹教道有
所明白南行詩一卷舒憂娛悲雜以瓌惟之言時俗之好所以
諷於口而聽於耳也如賜覽觀亦有可采于黷嚴尊伏增惶恐
愈再拜

辭免兵部侍郎奏狀

周必大

褒遷過分震懼靡寧臣竊以本朝置待從官特異前代蓋欲其
精白一心論思獻納增重王國非專使治有司之事而已自元
豐改官制雖稍循周唐舊典分治六曹然班列浸高職業猶簡
委用之意夫豈徒然若時夏官尤號清選臣以凡庸之質荷特

連之知五年之間兩兼攝貳畧無補報有玷周行至於寓直禁
林執經崇政最為華近今悉冒居陛下虛心以求議論而臣喑
無一言陛下勵精以集事功而臣懦不舉職尚真汰片已足保
全復用何名更叨真拜而况早來奏對之際備聞天獎雖未披
於心腹已灼知其肺肝伏望聖明矜其自量非敢飾避特反惟
行之令誓堅圖報之心

謝兵部侍郎兼直學士院表

周必大

通班內閣已塵次對之華列屬中臺復冒亞卿之寵申命鑿坡
之直增光禁路之游稽首拜嘉省躬知愧臣某中謝
臣竊以司
戎任重視草才難自非文武之兼資曷副國家之遴簡歷考正
元而後惟陸贄衛次公之並文載稽南渡以來有汪藻蔡寧禮

之故事如臣末學難企前修徒夙幸於遭逢獲福儀於清要愚
 蠢倥侗之性每辱照知荒唐訛散之詞數蒙嘉獎首尾纒經於
 五載攝承兩替於七兵未嘗明又假之心矧敢覬為真之命橫
 黃金之帶驟拜新榮上白玉之堂更仍舊貴大恩所被小已奚
 堪此蓋伏遇皇帝陛下剛健時行緝熙日就運堯帝之德而奄
 有四海方懋乃聖乃神之功立周王之政而灼見俊心不輕常
 伯常任之選孰云儒緩叨此詔除况資翰墨之所長尤匪疲驚
 之可稱臣敢不竭其忠盡濟以靖共體元豐肇正於官名願效
 論思之實念開寶初增於禁直勉圖潤色之工萬分可酬九項
 何憚

謝除兵部侍郎表

汪藻

東省初官方折病免中臺分職乃誤優遷資逢世以非宜寵逾
 涯而益懼中謝伏念臣江湖澁裔童句小儒材不過庸僅及下
 中之品學雖忘老安知左右之原偶陪多士之遊幸備公朝之
 選徧誇清貫遂綴通聯旋遭值於干戈獲奉承於羈勒才因事
 見初無橫草之功裁與衰期乃有負新之疾屢投誠於魏闕將
 歸臥於漳濱猥蒙內史之書裨貳文島之秩戎昭所繫儒絃奚
 堪茲益伏遇皇帝陛下睿智有臨憂勤無逸光復祖宗之舊既
 已配天兼收文武之長未嘗愒日惟臣瑣質負國明恩竭股肱
 之力而徒有此心譬腹背之毛而何裨於用耗糜廩食羞愧神
 明不辭勉效於秋毫顧恐溘先於朝露周六典治戎之職雖幸
 叨居漢九卿賜告之恩終期得請

兵部郎中

歷代沿革 周官大司馬屬官有軍司馬下大夫蓋郎中之任也
 魏有五兵郎曹晉有七兵皆置郎中宋有中共外兵騎兵後
 省騎兵齊因之梁陳有左右中兵左右外兵騎兵郎曹皆置
 侍郎亦郎中任也後魏因梁陳舊隋初為兵部侍郎又改兵
 曹郎唐武德改兵部郎中龍朔改司戎大夫咸亨光宅神龍
 隨曹改復宋初除潘良器本曹所治之事郎中員外部參掌
 之建炎三年併省冗職以兵部郎中兼職方元置兵部郎中
 羣書要語既添夏官之屬元和制諸夏官之劇既參戎事之殷
 擢受五兵之部司武之屬重于文昌並同上七兵之曹郎
 吏之選甚寵南豐潘良器制姑寵七兵之秩用服一臺之華明

文恭曰公弼制

外兵之員郭輔制

夏卿首曹中臺妙選

張岳制

往踐五兵之屬

公湜行周思永制

兵部郎中一員一在待從不

居外省元微之行楊嗣復制

古今事實

秦決若流

姚崇為夏官郎中契丹擾河北兵檄叢進崇奏決若流武后賢
之拜侍郎

公務修整

唐裴光庭轉兵部郎中既歷清要人未之許及在職公務修整
眾皆嘆服

所歷有聲

皇朝典史新編

唐盧奕懷慎之子與兄渙齊名開元中任京兆司錄參軍太寶初為鄂縣令進兵部郎中所歷有聲皆如渙之所治也

吏幹有稱

李愷歷兵部郎中愷有吏幹明於几案甚有當官之稱

掌判帳判簿

唐兵部郎中二員一員掌判帳及天下武官之階品衛府之名數一員掌判簿以總軍戎差遣之名數唐制

掌勳官簿書

掌武職勳官三衙及兵士簿書朝集祿賜假告差發武職告身身

掌告身令

蕭愿梁宰相傾之子性淳謹承事父母未嘗不束帶而見然性

嗜酒無節職事弛慢為兵部郎中日掌告身印單恩之次頗忘職事父傾為吏部尚書代愿視印篆其散率如此五代

兵部員外郎

歷代沿革周官太司馬屬官有司輿司馬上士後周依焉蓋員

外郎之任也隋開皇六年置兵部員外郎煬帝改兵曹承務

郎唐改兵部員外郎龍朔二年改司戎員外郎咸亨光宅神

龍隨曹改復宋諸司員外郎正七品兵部本曹所治之事員

外郎參掌之元仍唐宋舊置兵部員外郎

羣書要語員外郎二人一人掌貢舉及雜請之事凡應舉之人

有謀略才藝平射筒射皆待命以舉若州府歲貢皆勘書文狀

而引試焉一人掌選院謂之南選曹每歲選人有解狀簿書資

歷考課必由之以覈其實乃上三銓進用則書焉六典

古今事實

嘉貞詳決

唐張嘉貞為兵部員外郎時功狀盈几郎吏不能決嘉貞為詳處不閱旬庭無稽牒

正倫賢者

唐魏徵薦杜正倫擢兵部員外郎太宗勞之曰朕舉賢者非朕獨私以能益百姓也唐書

古今文集

雜著

兵部郎官題名記

周必大

本朝除郎之路雖廣而其要有三館閣一也寺監丞二也監司郡守三也近歲室其二卿監或可徑至而郎非歷監司郡守不可得其不輕而重也較然矣司馬列屬四中與初僅嘗備官建炎三年夏始以駕兼庫以兵兼職方其選清故平居無事多處文學之臣其權重故從軍若將命則往往假以為寵此其大略也隆興改元之五月復裁內外官於是駕部又賞省而郎適替讀王府有詔聽留需其遷勿補厥後間嘗並置要為有故而一員之制定夫某既與聞夏官之政乃刻長貳題名會同舍郎亦告石具以辭具屬老矣不文咕嚕莫能措姑效掌故彙前人名氏且粗記其因葺云淳熙三年十一月十日周某記

事文類聚新集 卷之二十四 德壽宮記

兵部分掌

儀仗

○舊庫部

歷代沿革

周禮夏官有司甲冑大夫為司戈盾弓矢之長各辨其物以待軍事皆庫部之任也魏始置庫部郎晉以後有郎中後周有小武藏大夫隋初為庫部侍郎煬帝為承務唐龍朔改司庫大夫咸亨復又為庫部員外郎龍朔以來隋曹改復六典宋駕庫二部皆無所掌建炎中以駕部兼領兵部今史分掌各頭

羣書要語

缺

古今事實

掌戎器

唐庫部郎中員外郎掌戎器鹵簿儀仗唐書

皆有美譽

唐陸象先弟景倩景融景獻景裔歷河南令庫部郎中皆有美譽潛一行少時與象先兄弟相善嘗謂人曰陸氏兄弟皆有才行古之荀陳無以加也甚為當時所稱

示有止足

唐孔若思明經舉遷庫部郎中若思嘗謂人曰仕至郎中足矣至是持一石水滿於座右以示有止足之意唐書

固辭不拜

宋江智深元嘉末除庫部郎中時高流官序不為臺郎智深門孤援寡獨有此選意甚不悅固辭不拜

詭對稱善

宋文帝宴會有羌外歸化人在坐帝問尚書庫部郎中顧琛曰
庫內仗有幾許琛詭對曰有十萬人仗舊武庫仗多秘不言帝
既問悔失言及琛詭對善之

古今文集

古詩

寄贈庫部王郎中

時充折糶使

盧綸

諤諤漢名臣從天令若春
敎辭皆詔旨稱官即星辰
草木承風偃雲雷施澤均
威懲治粟尉恩洽讓田人
泉貨方將散京抵自此
陳五管俱共鑿龜千里不
傳輪末遠金門籍旋清玉
塞塵碩儒推慶重良友頌
功頻鶴髮逢新鏡龍門躍
舊鱗荷君偏有問深

感浩難序

兵部分掌

駮慢置鋪驛走遞馬數

承發司文字

車輅

合給牌劄

廐牧

○舊駕部

歷代沿革

周夏官之屬有輿司馬有校人主馬之官有牧師掌

牧放布巾車掌公車之政及王之五輅皆駕部之任也魏置

尚書有駕部郎宋駕部屬左民尚書齊因之後魏與北齊並

曰駕部郎中隋曰待郎屬兵部唐龍朔改司輿大夫咸亨復

故天寶中改司駕至德復故宋駕部司事一人以無職事朝

官充輿輦車乘隸於太僕傳驛給受一出於樞密院廐牧之

政總於羣牧司本司無所掌元豐改制郎中自外郎始實行

本司事發掌輿輦車馬驛置廐牧之事大禮則戒有司具五
輅凡奉使之官赴闕視其官職及所治事給馬如格官文書
則量其遲速附馬步急送應內外監牧租入多寡孽產登耗
皆檢察焉建炎三年以駕部兼庫部復併大僕寺歸駕部紹
興元年復裁內外官於是駕部又當省而郎適贊讀王府有
詔聽留需其遷勿種厥後間或一置而一員之制定矣元因
之兵部令史分掌名頭無專帶官

羣書要語夏官輿司馬周禮 推司輿馬之政初察除李倫制輿

馬輦乘之奉郵驛圍牧之治中臺要務主以郎官南豐擬制甲

胄弓矢之器乘輿鹵簿之式武藏之任郎選其高南豐駕部兼庫部制

詩句幽閑靜境別無事惟有南宮老駕兒白居易贈駕部吳郎

古今事賞

孝昭閣簿

北齊馮子琮為駕部郎中攝庫部孝昭帝嘗閱簿領試令口陳
子琮閣對無有遺失分紀

楊素拊床

李靖在隋為駕部員外郎左僕射楊素拊床謂曰卿終當還主此
公義竭忠

隋辛公義為駕部郎勾檢馬牧所獲十餘萬匹帝嘉曰唯我公
義奉國竭忠通典

元亮清謹

崔元亮字晦叔為駕部員外郎清謹介特澹如也本傳

如處美官

唐畢緘字存之為駕部員外郎故事勢要家人以倉駕五曹為厚緘沛然如處美官本傳互見倉部

不博前行

中行刑戶不博前行駕庫唐國史補

古今文集

律詩 駕部鄭郎中二十八丈君貳東周榮加金葉谷以末

孤之外恩舊事深因賀送

鄭谷

香浮玉陛曉辭天袍拂蒲茸稱少年郎署轉曹雖又次京河亞尹是優賢縱游雲水無公事貴買寒書有棒錢今日龍門看松雪探春明日向平泉

十四卷

新編古今事文類聚新集卷之十五

南江 富大用 時可 編

金陵 唐富春 子和 刊

六曹部

刑部尚書

歷代沿革 刑部尚書周之秋官卿也漢成帝時尚書初置二千石曹主郡國二千石又置三公曹主斷獄光武改三公曹主考課二千石曹掌中都官水火盜賊辭訟罪法晉初依漢置三公尚書掌刑獄太康中省三公尚書以吏部尚書兼領刑獄宋始置都官尚書皆掌刑獄後魏北齊皆置都官尚書後周置大司寇卿隋初曰都官尚書開皇二年改為刑部唐龍

朔二年改司刑太常伯咸亨復故武后改為秋官尚書神龍
 元年復天寶改司憲至德復宋刑部尚書侍郎中丞為階
 官尚書掌天下刑獄之政令而侍郎郎中員外郎分治其事
 元刑部掌律令格式審定刑名奴婢配隸關津機禁城門啓
 閉之事置令史分掌名頭以尚書為長

羣書要語五曰秋官其屬六十掌邦刑周禮司寇蘇公式敬爾
 由獄以長我王國書立政司寇掌邦政詰奸慝刑暴亂周官乃
 立秋官司寇使帥其屬而掌邦禁以佐王刑邦國周禮大司寇
 之職掌建邦之三典以佐王刑邦國詰四方同上司寇正刑明
 辟以聽獄訟聽之於棘木之下以獄之成告于王記玉制大司
 寇以其成從質於天子同上昔太子僕來奔季文子使司寇出

諸竟左傳子為司寇將盜是務去爽鳩氏司寇也並同上解

我五教掌茲三典常衮制掌其二典詰彼四方記室新書趙同

秋典類魯公集設官分職以司臬事中興題名秋官古卿南豐

擬制中臺八座典司邦禁同上丹筆平刑爰副一人之欽恤嚴

奏類淑問之臣掌秋官曲阜制秋卿恤刑事無枉撓又云紹敝

帶於謳謹蓋刑成於法理唐太師令國之二柄在德與刑邦之

三典惟清與慎太舜有欽恤之言穆王有哀矜之教爽鳩之為

司寇務在澤人臬陶之作士師期於致理張鷟云

古今事實

不前僧胤

梁羊侃為都官尚書官者張僧胤候侃侃曰我林非關人所坐

事文類聚新集

卷之十五

二

德壽堂梓

竟不前之時論美其真正系書

不屈仙客

唐崔隱甫潔介自守以強正稱為刑部尚書帝欲相之也曰牛仙客可與語卿常見否曰未也帝曰可見之隱甫終不語他日又問對如初帝乃不用贊曰嚴挺之拒宰相不肯見李林甫崔隱甫違詔不屈牛仙客信剛者乎一人坐是皆不得相彼亦各申其志也唐崔隱甫傳

覆獄獻款

唐劉祥道遷司刑太常伯每覆大獄必獻款累歎奏決之日為之不食

上疏激切

唐顏真卿為檢校刑書永泰中元載引用私黨請百官凡欲論事必先白長官長官白宰相然後聞奏真顏上疏曰天寶後李林甫威權日盛羣臣不先咨宰相輒奏事不過託以他故中傷猶不敢明約百司令先白宰相如今日之事曠古未有陛下不覺悟漸成孤立矣其激切如此於是中人爭寫內本布於外

屈突固辭

屈突通為刑書自以不事且又固辭政工部並唐書

隱甫自守見上注

庭無留事

李適之拜刑書夜則宴賞晝決公務庭無留事本傳

刑斷減久

唐柳公綽為刑部尚書京兆人有姑鞭婦至死者府斷以償外
公綽議曰尊毀卑非闕且其子在以妻而戮其母非教也竟得
減死

領羽林監

梁元帝以沈重領江陵遷都官尚書領羽林監又令於合歡殿
講周禮後周書

息官省妖

宋徐孝先為都官尚書自晉以來尚書寮皆攜家屬居省省在
臺城內下舍門中有閣道東西跨路通于朝堂其第一即都官
省西抵閣道年代久遠多有鬼恠每夜昏之際無故有聲光或
見人著衣冠從中出尚書周確卒於此省孝先代確即居之經

兩載妖變皆息時人咸以為真止所致

建議違制

宋王文正公曾在審刑日建議違制親被乃坐罪未幾外郡有
以具獄讞聞章聖俾以違制坐之公以制非親被請從違失上
可其奏言行錄

疑獄聽讞

宋燕肅字穆之知審刑院先是天下疑獄雖聽奏而州郡懼得
罪不敢讞故冤獄常多肅建請諸路疑獄皆聽讞有不當者釋
其罪自是全活者衆東都事畧

議盜殺同黨法

宋韓忠獻琦知審院先是盜殺同黨既自已就捕例不抵死公

日此但并有其賞或就滅其口非有自新改過之心無足矜者請更議其法乃詔盜殺其徒而不首者毋得原

奏刑不上大夫

宋蘇頌字子容神宗朝知審刑院知金州張仲宣受財枉法抵死法官援前比貸死杖春黥配海島公奏古者刑不上大夫今刑為徒隸恐汗辱衣冠耳仲宣由是得免杖黥止流海外自是命官刑無杖黥者

古今文集

雜著

與鳳翔刑尚書書

韓愈

今閣下為王瓜牙為國藩垣威行如秋仁行如春戎狄棄甲而

遠遁朝廷高枕而不虞是豈負大丈夫平生之志願哉豈負明天子非常之顧遇哉赫赫乎泂泂乎功業逐日以新名聲隨風而流宜乎謹呼海隅高談之士奔走天下慕義之人使或願此一傳或願操一戈納君於唐虞收地於河湟然而迷至乎是者蓋亦有說云豈非待士之道未甚厚遇士之禮未甚優請粗言其事閣下試詳而聽之夫士之來也必有求於閣下夫以貧賤而求於富貴正其宜也閣下之財不可以徧施於天下在擇其人之賢愚而厚薄等級之可也假如賢者至閣下乃一見之愚者至不得見焉則賢者莫不至而愚者日遠夫假如愚者至閣下以千金與之賢者至亦以千金與之則愚者莫不至而賢者日遠矣欲求得士之道盡於此而已欲求士之賢愚在於精鑒

博采之而已精鑒於已固已得其十七八矣又博采於人百無一二遺者焉若果能是道愈見天下之竹帛不足書閣下之功德天下之金石不足領閣下之形容矣

謝刑部尚書表

歐陽脩

職清書殿寔為儒者之榮望峻天臺仍忝刑官之重內循謙薄仰玷光華臣某中謝伏念臣質真迂愚粗知業履因時幸會遂竊寵榮無捨遺補闕之勤常陪法從非太冊高文之手又夙翰林晚綴宰察俾聞國論荷三朝之眷遇每察懦衷幸四海之清平得容尸祿居滿盈而不戒積災釁以自貽屬聖統之嗣興赫皇明而繼照誣言詰服已大釋於群疑危跡保全俾不虧於素守大馬蓋恩於報效桑榆奈迫於衰遲屢負悃私上干聰睿遂

蒙開允俾解繁機然而晚節余生本期避寵清資顯秩益更會榮棧優渥之非常但凌兢而失措此益伏遇皇帝陛下聖神御極亭肯推仁閔孤拙之勢危無容自立謂疲駑之力竭難責遠圖曲軫至慈俯從誠請仍怜舊物特示殊恩顧非木石之頑宜識乾坤之造颯然素領雖難強於筋骸皎若丹心尤自期於塵露

辭免除權刑部尚書狀

吳永叔

臣欽聞出綬愧若踐冰伏念某蜀之鄙人亡所肖似自為青袍朝士已閱九年及玷碧落侍臣亦幾三載制詞共千百篇而經濟少奏對凡十八疏而獻納踈聖恩重於丘山臣報微於毫髮益嘗以疾病之連連而請外以鄉邦之顛覆而丐祠謂天益高

曾是其聽乃徑從於小宰遂晉長於秋卿華以一遷重於再命
 載念士官之所掌寔於國脉而相關舜不賴皋陶之明何以布
 好生之德周不得蘇公之敬安能審用罰之中必惟良臣始稱
 公選若冒司於臬事恐紛致於人言欲望陛下矜察愚衷收回
 成渙量能授職亟改畀於時髦敕法清刑庶共登於漢道小臣
 獲免曠官之刺陛下不失知人之明

第二辭免

吳永叔

臣聞才為造物之所珍名者道家之深忌一陛以吳中之秀入
 洛官總盛而駭來兩蘇以西州之彦同朝位益高而謗起矧不
 令之兄弟亡前脩之典刑而臣擗詞王堂簪筆荷橐職親地禁
 終日不離文字之間選妙秩清群才半入銓衡之下雉不能於

鍾采龜不解於駘置致彼胥譏納之危宰每荷陛下保全之力
 寔如皇天生育之仁曾未報於隆恩迺復叨於異擢亟騰免牘
 以俟俞音盼春詔之十行雖荷褒嘉之寵掌秋官之三典終非
 克審之才敢遜忠賢庶安愚分

第三辭免

吳永叔

切謂文昌高於法從憲部重於諸曹訟牒滋繁非庸敏之才不
 足以剖析情偽刑章紛委非諳通之識不足以分別科條如某
 謾學綴文未閑讀律使之討論潤色尚能奏薄技於詞林若曰
 糾禁議詢何以宅嘉師於王國倘非遜避恐速顛躓伏望朝廷
 察其被寵之若驚諒其控辭之非僞為敷陳於九陛庶畢達於
 孤忠俾守舊官亟回新命

刑部侍郎

歷代沿革周之秋官小司寇中大夫也漢以來尚書侍郎後周
 依周官隋煬帝置刑部侍郎唐因之龍朔改為司刑少常伯
 光宅中為秋官侍郎天寶中為憲部侍郎掌律令刑法覆按
 大理及諸司應奏之事宋元豐正名除大理卿崔台符為之
 元仍唐宋舊置刑部侍郎

羣書要語小司寇之職掌外朝之政以致萬民而詢焉周禮周

之秋官小司寇中大夫也六典擢亞秋官韓文貳于刑讞劉瓛

制秋官亞卿曲阜制秋卿之貳佐平邦憲類要秩貳秋官參

執邦典南豐擬制俾踐白雲之司裴敦復制當宣室受讞之際

思滿堂飲酒之言杜牧行李從誨制予曰罪爾勿罪予曰寬爾

勿寬同上小司寇之職以五聽聽獄訟求民情一曰辭聽二曰

色聽三曰氣聽四曰耳聽五曰目聽周禮以八辟麗邦法附刑

罰一曰議政之辟二曰議故之辟三曰議賢之辟四曰議能之

辟五曰議功之辟六曰議勤之辟七曰議貴之辟八曰議賢之

辟同上刑部侍郎一員掌天下刑法及徒隸勾覆關禁之政令

其屬有四總其職務行其制命凡中外咸質正焉唐職官制唐

有大獄即命御史中丞刑部侍郎大理卿充謂之大三司使唐

職林

古今事實

東之相才

狄仁傑薦張柬之宰相才召為洛州司馬仁傑曰臣薦宰相而

爲司馬非也乃授司刑少卿遷秋官侍郎張東之傳

棲楚宣授

寶曆初宣中書以諫議大夫劉棲楚爲刑侍丞郎宣授自此始唐書曰

劉瑒統類

劉瑒轉刑侍精於法律選制勅可用者議其輕重成一家書號大中統類奏行之

王播格條

王播轉刑侍精於法律法寺議讞科條繁雜播備舉格條置之座右凡有詳決疾速如神僚屬歎服

道裕言當

唐太宗時刑部侍郎有闕令執政妙擇其人奏皆不可太宗曰朕得其人矣往昔李道裕議張亮云反形未真此言當矣雖不即從至今追悔遂授道裕

韓愈表諫

韓愈爲刑侍憲宗遣使鳳翔迎佛骨入禁中愈上表極諫請輕亡珠罪

宋呂公孺字稚卿元祐初爲刑侍原廟亡珠繫治甚久公孺言殿中主者不一前後代者未嘗以服御相授且諱自宮嬪往還不一有所亡豈可指意吏卒獄雖具顧非聖裁不可上深以爲然國史本傳

奏斥伶人戲

事類彙編

卷之二十五

德壽堂

元祐中駕幸凝祥池宴從臣伶人以先聖為戲刑部侍郎孔宗翰奏唐文宗時嘗有為此戲者詔斥去之今豈宜有此詔付伶官于理洧水燕談

論執殺人獄

初刑部有劫殺人獄侍郎彭汝勵引例乞加貸配執政不以為是降特旨皆殺之汝勵執不可長編

平反遷官

范百祿字功父除刑部侍郎有以強盜及故殺闖殺情可矜者讞于朝法官援例貸免司馬光曰殺人不可貸則法廢矣百祿曰謂之殺人則可制刑而以為不疑原情而以為無可憫則不可百祿在刑部用法多所平反遷吏部侍郎東都事畧

平反被賜

陳魯公康伯諡文正兼刑部侍郎前此有司專用權臣風旨為獄重輕公平反之故家多被其賜言行錄

平反辭賞

張文忠公九成兼刑侍一日法寺以成案上太辟公閱首未得其情因請覆實囚果誣服者也奏黜之時法官抵罰而朝論欲以為賞公辭曰職在詳刑而賣眾以邀賞可乎言行錄

古今文集

雜著

崔嶧刑部侍郎致仕誥

王安石

仕焉而告老者自一命以上必有以慰其歸况吾邇臣恩紀所

厚宜增位序以示褒優以爾具官某比以明揚於煩使入參侍從出備藩維踐更滋多寄寓惟允引年辭位得禮之宜進貳秋卿以榮居息古之士者非苟自秩其身唯慎行抵法以助成王德爾所知也往其懋哉

刑部郎中

歷代沿革 周禮太司寇屬官有士師下大夫蓋郎中之任也漢尚書有二八曹後漢有一手石曹魏有都官曹皆掌刑法獄訟之事晉宋齊並以三公郎曹掌刑獄置郎中一人隋初省三公曹置刑部曹掌刑法置侍郎一人唐因之武德改刑部郎中龍朔改司刑大夫咸亨光宅神龍並隨曹復改宋元豐正名初除胡瑗杜紘建炎詔刑郎以一員為額紹興詔見任

郎官依元曹舊法分左右廳治事從右司在應辰之請也元仍唐宋舊置刑部郎中

羣書要語 周禮大司寇屬官有士師下大夫蓋郎中之任也六

宜正秋臺之職進承郎資之務胡文恭廖詢制刑者所以助

治聖人尤謹出臺參綜郎選甚高南豐除韓晉卿制丹筆議刑

國網作重日雲司職人命是懸歲表類

古今事實

充定律令

魏有定科郎晉賈充定律令以裴楷為之職類

韓決奏讞

宋韓晉卿擢刑部郎中天下大辟請讞執政以為煩將劾不應

讞者晉卿適白事省中因曰讞不至矣議者欲天下獄悉從秦
決晉卿曰恐罪人之死於獄多於伏辜者皆從之長編

刑部員外郎

歷代沿革周禮大司寇屬官有上士後周依之蓋員外之任也

隋開皇六年置刑部員外郎煬帝改憲部承務郎唐因之武

德二年改刑部員外郎咸亨光宅神龍並隨曹改復宋因之

元仍唐宋舊置刑部員外郎二人

羣書要語郎中員外郎掌律法按覆大理及天下奏讞為尚書

侍郎之貳唐書亟則失情緩則留獄深則碍恕縱則生奸惟是

四者持刑之權元稹馮宿刑部員外制

古今事實

小三司使

唐有大獄以刑部員外郎御史大夫大理寺官為之以決疑謂
之小三司使職林

第一課最

韋夏卿以課最第一轉長安令改刑部員外郎分紀

守法不撓

唐杜喜佺為刑部員外郎守法不撓本傳

遺直何加

令狐岵大曆中為刑部員外郎上疏諫山陵事詔答曰古之遺
直何以加焉本傳

又請小秩

事類彙編新集 卷之十五 十一 德壽堂

杜牧頃於宰執求小儀不遂請小秩又不遂尚書故實

可當是選

侍御史王鑑自居殿中能察非法連鞠庶獄多協平允加以温

敏靜專可當是選一歲之獄決在秋冬今方其時宜敬乃職自

易任鑑刑部自外制

秩進知州

至道初張昞為刑部員外郎西川安撫奏望授昞諸司使知雅

州上以省郎之重不欲換他職故進秩加賜令服而遣

例裁刑部

元祐元年三省言中書置刑房檢例官從之獨刑部員外郎劉

賡上疏言元曹官制以例裁刑部可比則取鈔不可則改皆今

非故事詔如所請而例復裁刑部自是中外奏讞無所避矣九

朝通略

刑部分掌

關津讖察 城門啓閉

○舊司門

歷代沿革

周禮大司徒屬官有司門上士司門下大夫後周依

周官有小司門隋開皇置司門侍郎煬帝去待字又置員外

郎又改承務郎唐因之加中字龍朔改司門大夫咸淳復宋

因之元刑部令史分掌名頭無專曹官

古今事實

羣書要語司門掌管鍵以啓閉國門周禮

掌出入闡遺

郎中員外郎掌門關出入之籍及關遺之物唐書又掌門籍關棧及道路所關遺之事

古今文集

雜著

司馬廳壁記

任希夷

門關之設尚矣在周為司門在漢其名不一曰戶部曰門侯皆其任也宋朝監省門用內三品元豐中裕陵聖訓內侍者以內與外庭臣僚無交際得以盡情譏察爰自中興駐蹕臨安三省樞密院俱列皇城之內外侍不時至則參之小使臣人微官薄不足以誰何嘉定六年秋始用諫議大夫增置監門官一員以京朝宰臣有治理效者為之初命奉議郎前知嚴州淳安縣楊

恕而內侍由為譏察舊制也于時政事之府更葺一新堂宇崇成體勢隆峻嚴嚴翼翼輪焉奐焉至於門廡術徑而莫不斤而大之氣象豐美過者祇肅于是更置專官以重其任蓋將謹命令所出之原尊朝廷無競之勢肅于外者若是則嚴乎中者可知施于下者若是則發乎上者又可知矣屈是職者不可思之以稱上肯歎或以詔楊君曰听庭退朝飛蓋來下衣繡焜煌車騎雜襲呵道告門先聲震疊又凡出入于斯多達官顯人從以蒼頭廬兒謹謹旁午不特御者洋洋而已司門之官逡巡躡躡兩扉之側其於伺察也不亦難乎又將不有以動其中乎則告之曰昔蕭望之射策甲科尚為小苑東門侯伊翁以抱關幾乏以各從其志其後卒為漢名傳蓋一命以上皆有常職所當

盡吾事而已矣。奚有於他。慕哉。楊君勉之。併以告諸來者。

司門員外郎壁記

權德輿

周官司門為司徒之屬。今為司寇之屬。員外郎於周為上士。後數更其名。至隋為承務郎。武德初。方定為令制。秩從六品上。大凡自漢魏以還。典曹理事。雖時有汙崇。官有輕重。或百職耗廢。雜而多端。而郎位。嗚然。未常有。函奔進越。非其任者。蓋宗公貴事多。由此塗出。所以儲時才。練官業。必於是焉。方今車書尉候。通道旁午。而斯任由。劇彭城仲子陵。脩詞以筮仕。說經有師道。自博士祠部郎。稍遷于茲。且以南轅銓藻之勤。火次而後。至循性自牧。闇然君子之道也。况大雅之匪懈。孔門之政事。古誼家法。又於講貫。遵脩砥礪。其可量邪。至若門關出入之籍。設險閑

邪之義。譏而不征。守而不索。列在今典。端如貫珠。故可畧於此。仲侯以故志屋壁之隙。欲壞磨滅。使鄙夫書而補之。貞元辛巳。歲夏六月記。

新編古今事文類聚新集卷之十五 終

新編古今事文類聚新集卷之十六
 六曹部
 工部尚書
 歷代沿革
 周之冬官卿也漢成帝初置尚書有民曹主吏人上
 書光武改民曹主繕修功作鹽池園苑事魏置左民尚書晉
 宋有起部尚書後周有冬官大司空卿掌五材九範之法隋
 有工部尚書唐因之龍朔改為司平咸亨復武后改為冬官
 神龍復摠判工部屯田虞部水部事宋工部判部事一人以
 兩制以上充凡城池土木工役皆隸三司修造案本曹無所
 事文類聚新集 卷之十一 十五

新編古今事文類聚新集卷之十六

六曹部

工部尚書

歷代沿革

周之冬官卿也漢成帝初置尚書有民曹主吏人上
 書光武改民曹主繕修功作鹽池園苑事魏置左民尚書晉
 宋有起部尚書後周有冬官大司空卿掌五材九範之法隋
 有工部尚書唐因之龍朔改為司平咸亨復武后改為冬官
 神龍復摠判工部屯田虞部水部事宋工部判部事一人以
 兩制以上充凡城池土木工役皆隸三司修造案本曹無所

南江

富大用

時可

編

金陵

唐富春

子和

刊

掌元豐官制行尚書工部掌天下城池宮室舟車器械符印
錢寶之事百工山澤溝洫屯田之政令是時尚書猶未除
紹興三年併少府監歸工部以文思院屬焉按文思院舊屬
少府監至是以少府監併於工部故文思院監官乃今工部

群差元工部掌修造營建法式諸作工匠屯田山林川澤之

禁江河隄岸道路橋梁之事置令史分掌名頭以尚書為長

禮書要語六曰冬官其屬六十掌邦事周禮舜曰咨四岳有能

奮庸熙帝之載使宅百揆亮采惠疇僉曰伯禹作司空書舜典

帝曰疇若予工僉曰垂哉帝曰俞咨垂汝共工同上宏父定辟

注宏父司空酒誥司空掌邦土居四民時地利周官六職百工

與居一焉周禮審曲尚執以飭五材以辨民器謂之百工同上

鳩鳩氏司空也左傳五雉為五工正同上國有六職百工與居

之焉禮考工記程品之重有若百土號令之先尤難不職唐大

詔令冬卿常伯楊億代謝表守臺起曹訓伍建事南豐擬制尚

書漢公卿也言動可否屬人耳目固不專於率四屬程百工修

位於冬官而已白集韋貫之制平百官之上書飭五材以辨器

非國之髦碩詳於典制則不可以綜事訓工建明理本也常集

五材是宜百工惟敘城郭都鄙定其規士農工商得其所記室

古今事實

職在司空

唐張鷟位當玄武之官職在司空之任虞舜之代伯禹統其班
周成之朝毛公處其地

代為八座

唐閻立本代兄立德為工部尚書兄弟相代為八座時人榮之

長孫稱職

長孫平為工部尚書名為稱職隋書

大義剛烈

李大義為工書性忠謹外若不能言而內剛烈不可于非其義

其著勞績

鄭善果為工部尚書正身奉法其著勞績唐新語

不治產業

于休烈為工部尚書不治產業樂賢下善推轂士甚眾並唐書

創軍國器

陳從易為起部尚書巧思過人軍國器械多所創立陳書

構太極殿

初侯景二年殿被焚承聖中議營之獨欠一柱至陳高祖時忽

有樟木大十八圍長四丈五尺流泊陶家後監軍鄒子度以聞

詔中書令沈衆兼起部尚書構太極殿

請斥佞人

宋元符三年曾布之相也御史中丞豐稷欲率臺屬論之遂遷

稷工部尚書稷力丐補外不允謝表有內侍已成於怨府佞人

方剡於奏章之語上問佞人為誰曰曾布陛下斥布則天下事

定矣編年備考

召訪政事

張忠簡公闡擢工部尚書兼侍讀初上用真宗故事命經筵官
二員遞學士院朝夕宣召商確古今諮訪政事公入對尤數知
無不言屢引疾丐閑上曰朕所以知外事皆賴尚書工部一書
相從久矣言去邪

古今文集

雜著

送工部鄭尚書序

韓愈

嶺之南其州七十其二十一隸嶺南節度府其四十餘分四府
府各置帥然獨嶺南節度為大府大府始至四府必使其佐啓
聞起居謝守地不得即賀以為禮歲時必遣賀問致水土物太
府帥或道過其府府帥必戎服左握刀右屬弓矢帕首襜褕迎

郊及既至大府帥先入據館帥守屏若將趨入拜庭之為者大
府與之為讓至一再乃敢改服以賓主見適位執爵皆與拜不
許乃止慶若小侯之事大國有大事諮而後行隸府之州離府
遠者至三千里懸隔山海使必數月而後能至蠻夷悍輕易怨
以變其南皆岸大海多洲島颿風一日踔數千里漫瀾不見蹤
跡控御失所依險阻結黨仇機毒矢以待將吏撞搪呼號以相
和應蜂屯蟻雜不可爬梳好則人怒則獸故常薄其征入簡節
而踈目時有所遺漏不究切之長養以兒子至紛不可治乃草
薙而禽獮之盡根株痛斷乃止其海外雜國若耽浮羅流求毛
人夷薑之州林邑扶南真臘于陀利之屬東南際天地以萬數
或時候風潮朝貢蠻胡賈人舶交海中若嶺南帥得其人則一

邊盡治不相寇盜賊殺無風魚之災水旱癘毒之患外國之貨
日至珠香象犀玳瑁奇物溢於中國不可勝用故選帥常重於
他鎮非有文武威風知大體可畏信者則不幸往往有事長慶
三年四月以工部尚書鄭公為刑部尚書兼御史大夫往踐其
任鄭公嘗以節鎮襄陽入帥滄景德隸歷河南尹華州刺史皆
有功德可稱道入朝為金吾將軍散騎常侍工部侍郎尚書家
屬百人無數畝之宅儼屋以居可謂貴而能貧為仁者不富之
效也及是命朝廷莫不悅將行公卿大夫士苟能詩者咸相率
為詩以美朝政以慰公南行之思韻必以來字者所以祝公成
政而來歸疾也

工部侍郎

歷代沿革周之冬官小司空中大夫也隋煬帝改置工部侍郎
工部尚書統侍郎二人唐因之龍朔改為司平少常伯咸亨
復他時曹名或改而官不易宋元豐正名初除熊本仍朱
制置之

羣書要語百工惟時命汝典制常衮制起曹書殿兼而委之自

集工侍兼集賢殿制南豐擬制共土之貳飭五材程匠事冬官

籠列俾介厥司同上冬官之貳方此得人疇若予工汝為已試
曲阜郭知章制疇若予工汝往為九紀綱繕修之政杜塞淫巧
之作曲阜制

古今事實

有宰相望

唐李棲筠字貞上為工部侍郎魁然有宰相望 本傳

得中書資

帝問蘇頲有工部侍郎得中書侍郎者乎對曰陛下任賢惟所命何資之計 唐書

重惜名器

宋太祖重惜名器錢昱自右州刺史求文資得秘書監遷工部侍郎連典數郡無治聲上謂宰相曰此貴家子不可以任丞部改鄆州團練使 筆談

求拜退章

宋端拱元年工部侍郎同知朝京官考課雷得驥求致政先是與趙普不協普再入相制下之日德驥方立朝不覺笏墮遂拜

章求退普之備也

指陳實事

宋張忠簡權工部侍郎給札侍從臺諫條具時務公上十事時應詔數十人惟公與國子司業王十朋指陳實事斥言權倖無所回隱明日上召兩人對內殿大加稱賞賜酒者再回授御書一軸

有言典學

楊龜山先生時為工部侍郎入對首言自古聖賢之君未有不以典學為務以君德在是故也尋命兼待讀 長編

工部郎中

歷代公董 周禮太司空屬官下大夫蓋郎中之任也 董宋齊皆

有起部郎中宋起部郎不常置梁陳改置起部侍郎隋初為工部侍郎唐武德改工部郎中龍朔改司平大夫咸亨復光宅神龍並隨曹改復宋元豐正名初除范子奇高遵惠元因之置工部郎中

羣書要語及卿之屬公是行李徽之制中臺起曹郎選尤重曲

阜制官至城隍程匠度材之事郎於起部其選甚高南豐范子奇制郎吏令之高選工官號為劇曹張元方制

詩句身覺省郎在家須農事歸杜甫不才名位晚敢恨省郎遲同上夔府書懷郎官幸備員欲陳濟世策已老尚書郎雖為尚書郎不及村野人馨香粉署研杜詩注公時乃工部負郎不能請省徒想其官署之妍美耳

古今事實

掌程式

唐工部郎中負外郎掌經營興造之衆務凡城池之脩濬土木之繕葺工匠程式咸經度之六典又掌興造工匠諸公麻金帛五行紙筆之事職貢令

知制誥

宋范杲以工部郎中知制誥會要

古今文集

律詩

贈工部郎中

王建

金爐烟裏要班頭欲得歸山可自由每度報朝愁入閣在先教

示少千牛

工部員外郎

歷代沿革

後周依周禮制置小司空蓋員外之職也隋開皇六

年置工部員外郎煬帝改起部承務郎唐改為工部員外郎

龍朔二年改司平員外郎咸亨光宅神龍隨改復宋仍唐舊

元置一人

羣書要語隋朝二十四司各置員外郎一人以司其曹之帳藉

昔陶弘景代之高義始願四十為尚書郎而不逐國朝選者尤

因其良元積授羅議工部員外郎制

詩句馨香粉署妍

杜詩注公時為工部員外郎不能請省徒想

其官署之美耳

欲陳濟世策已老尚書郎杜詩不才名位晚敢

恨省官遲

杜夔府書懷

郎官幸備員

同上雖為尚書郎不及村

野人同上

古今事實

杜甫獻詩

杜甫有詩名元宗時獻朝響太清宮賦拜官祿山陷京師元宗幸蜀肅宗即位於靈武甫聞關奔詣行在拜左拾遺因房瑄罷相甫諫不納請告省家後嚴武辟為幕府拜工部員外郎劔南西川節度府參謀官本記

蔣係泣諫

蔣係遷工部員外郎又遷郎中宰相宋申錫為北軍羅織罪在不測係與諫官崔彥亮泣諫於玉階之下申錫方減死時論稱

工部分掌

山林川澤之禁

○舊虞部

歷代沿革 周禮有山虞澤虞蓋虞部之職也魏始有虞部郎中

晉因之宋齊省梁陳為侍郎隋為承務郎唐龍朔為司虞太

夫咸亨隨曹改復宋虞部無掌以屯田郎兼之元工部以今

羣書要語 山虞掌山林之政令澤虞掌國澤之政令周禮帝曰

疇若予上下草木鳥獸食曰益哉帝曰俞咨益汝作朕虞書舜

古今事實

職掌山澤

唐郎中員外郎掌京都衛關苑囿山澤草木及百蠶蕃各時蔬

薪炭供頓收獵之事唐書

虞衡之守

東由以時澤梁有禁虞衡之守所以遂嘉生象化育南豐擬制

工部分掌

都水監都水

○舊水部

歷代沿革 後周冬官有司水中大夫有司水上士隋文帝有水

部侍郎煬帝改承務郎周復設龍朔改司水大夫咸亨隨曹

改復宋水部無所掌元設都水監都水一員並隸工部

羣書要語 川衡掌巡川澤之禁令周禮

詩句省中官最美無似水曹郎李餘慶

古今事實

掌津濟運漕

唐郎中員外郎掌津濟船艦渠梁隄堰溝洫漁捕運漕碾磑之事唐書

新編古今事文類聚新集卷之十七

南江 富大用 時可 編

金陵 唐富春 子和 刊

樞密院部

樞密院 行樞密院同

歷代沿革 唐代宗永泰中置內樞密使始以宦者為之初不置

司局但有屋三楹貯文書而已其職掌惟承受表奏於內中進呈若人主有所處分則宣符中書門下施行而已永泰中宦官董廷秀參掌樞密事長慶中王守澄知樞密事舊左右軍容多入為樞密亦無視事之廳後僖昭時楊復恭西門季玄欲奪宰相權乃於堂狀後帖黃指揮公事此其始也後梁

革唐世官官之弊開平元年改樞院為崇政院唐莊宗同光元年復以崇政院為樞密院晉天福中以桑維翰知樞密院事四年廢樞密院以劉處謙兼樞密奏議多不稱上且又處謙丁內憂遂廢其院開運元年復置周顯德六年范質王溥並參知樞密院事宋樞密院與中書對持文武二柄號為二府太平興國四年以石熙載為樞密直學士簽書院事簽書之名始此淳化三年以張遜知院事温仲舒寇准同知院事同知院之名始此治平中以郭逵同簽書院事同簽書之名始此時陳升之至樞府神宗欲稍異其禮乃以為知院元豐改官制議者欲廢密院歸兵部神宗曰祖宗不以兵柄歸有司故專命官統之互相維制不從然以密院職輔弼非出

使之名乃定置知院同知院二人專以兵機軍政為職置樞密院掌凡武備機密之事有樞密使同知又有副使簽書院同簽書其屬有判官經歷都事照磨管勾等職在外又置行樞密院有副使始以下諸職皆同

羣書要語

樞密院掌天子之機務及天下邊境軍馬之政令會

宥密之府總樞密於萬微王禹稱制

樞密靖密王魯制聽解

神機之劇小畜集

典温省之務胡文恭行王疇妻制仍冠中樞

温公撰潞公碑

宜冠聯於樞省王岐公集天極環樞神兵會府

文彦博制

北樞之躔范典神務賜張耆詔擢贊上樞回蔡樞密

旋冠謨於宥省贈魯公亮批劄

樞要之司六一集密勿之司楊

文公表

樞使知院典機務掌兵政出納密命以佐邦治續會要

知院掌佐天子執兵政同上宜總鴻樞温公集丹地廻翔便總

萬機之任牋表類

詩句惟仲淹弼一夔一契天實實予予其敢忽曰衍汝來汝予

黃髮遂長樞府兵政無蹶予早識琦琦有奇骨可屬大事重厚

如勃石徂徠聖德詩

古今事實

天樞

後漢皇帝紀注春秋運斗樞北斗第一天樞第二天璇第三璣也

西樞

熙寧二年詔曰國家以西樞內輔翊贊本兵任為重矣

專掌兵籍

李綱除知樞密院奏云祖宗之法樞密院事掌兵藉虎符三衙管軍諸路帥臣主兵柄各有分守所以維持軍政萬世不易之法也傳信錄

專統兵機

李綱以右丞被命樞密奏云伏蒙聖恩除知樞密院事以被命鴻樞專統兵機宜得魁奇英偉之人以居其任同上

三省聚議

常事密院自行至涉邊則三省聚議謂之開南廳呂源明堂塾記

三省同議

神宗改官制太事三省共密院同議進呈畫旨稱三省樞密院同奉聖旨三省官皆同簽付樞密院行之小事獨取聖旨行訖關

三省每朝三省樞密院先同對樞密退待於殿廡三省始留進
呈三省事退樞密院再上進呈獨取旨遂為定制同前

呈本院事

施大資點與樞密周公呈本院事上曰適來一二事卿等各陳
所見甚關朝廷大體公復奏曰臣蒙陛下擢用愧素餐疊蒙
聖訓敢不竭股肱之力言行錄

爭西府事

韓魏公曰慶曆中王希文彥國同在西府上前爭事議論各別
下殿各不失和氣如未常爭也當時相善二人正如推車子蓋
其心主於車可行而已不為已也魏公別錄

發宣頭帖

郭崇韜安重誨為樞密使始分領政事不由中書直行下者謂
之宣如中書之勅小事則發頭子擬堂帖也至今樞密院用宣
及頭子家塾廣記

陳朝廷體

見呈本院事

周知世務

李諮字仲詢謚憲成嘗知樞密院事諮性明達周知世務處劇
若閒暇在樞府抑僥倖號為稱職東都事畧

召問治要

張忠定公熹字子公孝宗受禪召除同知樞密院事問為治之
要公言內治乃可以外攘願詔百執事赴都省給札條具上大
喜於是士夫欲言不能自達者繼悉聞矣言行錄

言行錄

托以腹心

呂公著復同知樞密院事神宗手詔曰顧在廷之人有可以托中外腹心之寄均皇家休戚之重無逾卿者可亟起視事

收之桑榆

呂公著拜同知樞密院事公著謝因奏曰臣老於闕外蒙陛下收之桑榆唯知拳拳納忠以報恩

權衡人才

呂公著好士出於天性士大夫有以人物為意者必問其所知所聞參覈以待上求上嘗謂輔臣曰公著之於人材其言不欺如權衡之於稱物也 通畧

筆識諸將

劉忠肅公珙字共父乾道三年擢同知樞密院公以本兵柄於諸將之能否不可以不周知乃自諸管軍統領官下至裨將佐日召三四人與語得其材用所宜輒筆識之以待選用 晦庵文集

古今文集

雜著

上韓樞密書

蘇詢

太尉執事洵著書無他長及言兵事論古今形勢至自比賈誼所獻權書雖古人已往成敗之迹苟深曉其義施之於今無所不可昨因請見求進未議太尉許諾謹撰其說言語朴直非有驚世絕俗之談其高難行之論太尉取其大綱而無責其纖悉蓋古者非用兵決勝之為難而養兵不用之可畏今夫水激之

山放之海決之為溝塍壅之為沼沚是天下之人能之委江河
注淮泗匯為洪波瀦為太湖萬世之不溢者自禹之後未之見
也夫兵者聚天下不義之徒授之以不仁之器而教之以殺人
之事夫惟天下之未安盜賊之未殄然後有以施其不義之心
用其不仁之器而試其殺人之事當是之時勇者無餘力智者
無餘謀巧者無餘技故其不義之心變而為忠不仁之器加之
於不仁而殺人之事施之於當殺及夫天下既平盜賊既殄不
義之徒聚而不散勇者有餘力則思以為亂智者有餘謀則思
以為效巧者有餘技則思以為詐於是天下之患雜然出矣蓋
虎豹終日而不殺則跳踉大叫以發其怒蝮蝎終日而不螫則
噬齧草木以致其毒其理固然無足怪者昔者劉項奮臂於草

莽之間秦楚無賴子弟千百為輩爭起而應者不可勝數轉關
五六年天下厭兵項藉久而高祖亦已老夫方是時分王諸將
改定律令與天下休息而韓信黥布之徒相繼而起者七國高
祖歿於介冑之間而莫能止也連延及於呂氏之禍訖孝文而
後定是何起之易而收之難也劉項之勢初若決河順流而下
誠有可喜及其崩潰四出放乎數百里之間拱手而莫能救也
嗚呼不有聖人何以善其後太祖太宗躬環甲冑跋涉險阻以
斬刈四方之蓬蒿用兵數十年謀臣猛將滿天下一旦卷甲而
休之傳四世而天下無變此何術也荆楚九江之地不分於諸
將而韓信黥布之徒無以啓其心也雖然天下無變而兵久不
用則其不義之心蓄而無所發飽食優游求逞於良民觀其平

居無事出怨言以邀其上。一旦有急是非人得千金不可使也。往年詔天下繕完城池西川之事洵實親見。凡郡縣之富民舉而籍其名得錢數百萬以爲酒食餽餉之用。柝聲未絕城輒隨壞如此者數年而後定。卒事官吏相賀卒徒相矜若戰勝凱旋而待賞者比來京師遊汗陌間其曹往往偶語無所諱忌聞之士人方春時尤不忍聞。蓋時五六月矣會京師夏大水鋤犁畚築列於兩河之壩縣官日費千萬傳呼勞問之聲不絕者數十里猶且眈眈狼顧莫肯效用且夫內之如京師之所聞外之如西川之所親見天下之勢今如何也。御將者天子之事也御兵者將之職也天子者養尊而處優植恩而取名與天下爲喜樂者也故其道不可以御兵人臣執法而不求情書心而不求名

出死力以捍社稷使天下之心繫於一人而已不與焉。故御兵者人臣之事不可以累天子也。今之所患大臣好名而懼謗好名則多植私恩懼謗則執法不堅是以天下之兵豪縱至此而莫之或制也。頃者狄公在樞府號爲寬厚愛人狎昵士卒得其惟心而大尉適承其後彼狄公者知御外之術而不知治內之道此邊將材也古者兵在外愛將軍而忘天子在內愛天子而忘將軍愛將軍所以戰愛天子所以守狄公以其御外之心而施諸其內大尉不反其道而何以爲治或者以爲兵久驕不治一旦繩以法恐因以生亂昔者郭子儀去河南李光弼實代之將至之日張用濟斬於轅門三軍股慄夫以臨淮之悍而代汾陽之長者三軍之士竦然如赤子之脫慈母之懷而立乎嚴師

之側何亂之敢生。且夫天子者天下之父母也。將相者天下之師也。師雖嚴，赤子不敢以怨其父母；將相雖厲，天下不敢以咎其君。其勢然也。天子者可以生人，可以殺人，故天下望其生及其殺之也。天下曰：是天子殺之，故天子不可以多殺人。人臣奉天子之法，雖多殺天下，無以歸怨。此先主所以威懷天下之術也。伏惟太尉思天下所以長久之道，而無務一時之名。盡至公之心，而無恤二軍之多言矣。天子惟深仁以結其心，太尉厲威武以振其墮，彼其思天子之深仁，則畏而不至於怨；思太尉之威武，則愛而不至於驕。君臣之體順而畏愛之道立，非太尉吾誰望耶。

上黃樞密書

朱晦庵

竊聞虜酋隕命，種人遁走，淮北遺民悉降我師。此蓋天命眷顧宗廟社稷之靈，肅清中原，以全世界付莫大之慶。海內同之，然嘉之思慮獨不勝私憂。過計敢以布於下執事。蓋自戊午講和，以至于今二十餘年，朝政不綱，兵備弛廢，國勢衰弱，內外空虛。近歲以來，天啓聖心，稍加振理，時復漸有條緒。然宿弊已深，非得同心同德之臣，素為海內所屬望者為之輔佐，進賢退奸，條滯補弊，要之以盡而持之以久，使其勢翕然而大變，則未可以有為也。前自不量事勢，亟下親征之詔，則既失之易矣。然理直言順，庶幾有成事。同發機有進，無退而曠日引月，不聞進發之期。任國政者，不聞有寇患愍之謀；典宿衛者，不聞有高武烈之請。使諸將惰心，六軍解體，虜騎橫突，深入兩淮，兵少而敵益彊，事急

而糧已匱於是戒嚴未及兩月而募兵科借之禍已及民矣向
 非天佑皇家降罰于彼則勝負之决盖未可知今日之事其不
 可謂諸公謀於廟堂之効羣帥攻城野戰之功亦已明矣愚謂
 君臣相戒兢慎祗肅改圖柄任益脩政理以荅揚上天眷顧之
 命不且坐虞鄰國之難以幸為利而遽自以為安也抑今中原
 之地幅員萬里虜人奔走震駭之餘力未能爭朝廷坐視而不
 取非以計取之則功緒廣而勞費多此正安危得失之機差之
 毫釐繆以千里不可以不審也熹切以為必能因其人以守因
 其糧以食使東西之力不困然後根本固而不搖必有以大慰
 其來蘇之望以深結其同濟之心使西北之情益堅然後藩籬
 密而可恃必使虜人他自痛定力全之後不能復窺吾盧龍之

塞然後朝謁陵廟還反舊京之事乃可言也不然今日朝廷之
 上侍從之列誰為能辨此者獨舊人之賢起而未用者一二公
 使之出則重於今日視師之人授之政則賢於今日秉鈞之士
 獨恐朝廷終不聽用則無如之何耳矣今不早為計虜人士馬
 精強固未有損今茲所失獨元顏亮一夫耳萬一旬月之間復
 悉其衆拔其喪君之耻以來脩怨于我不知朝廷之議復以何
 計禦之歛民則民憔悴而不堪募兵則兵脆弱而無用將據中
 原而與之爭則形勢未習將棄中原而守淮泗則恢復無期不
 知議者何以處此苟處之未審而曰姑徐徐以待不幸之來則
 非愚之所敢知者是以私憂過計夙夜拳拳而不能已也顧衰
 病之餘氣短辭拙不能言利害之實然其大要不遠是矣閣下

以道學履踐致身廟堂在諸公間最有人望故熹敢以此言進
觸冒威尊皇恐無地狂妄之罪惟左右者裁之

古詩

王樞密朴

王禹偁

西樞經緯才慷慨遇真主文學中甲科風雲參鬪府直躬在密
勿未始畏強禦凭案讀古書箕踞視太祖澤欲浸生民休將還
遂強盛人力不耗蠹世宗征淮甸委任當留務馬前拜侯伯階
下列棋芥吐咤氣生風將校汗如雨手築太平基胼胝不輟杵
具瞻人有望衰運時不與云云世豈乏賢良材難具文武層象
過議和文章敵燕許可能隨眾人冥冥歸塵土

樞密使

歷代沿革 **唐**初延英宰相奏事樞密使立侍得預聞 **五代**後唐
初以官者為之後梁始兼用士人 **晉**天福四年廢樞密院開
運元年復置 **周**亦有之 **宋**初魏仁浦以宰相兼樞密使建隆
三年以樞密副使兵部侍郎趙普為檢校太保充樞密使不
帶正官自普始也又以宣徽北院使李處耘為南院使兼樞
密副使自五代以來凡樞密院官皆文武兼用大中祥符七
年以王嗣宗曹利用並為檢校太保充樞密副使亦不帶正
官 **開寶**九年以曹彬為樞密使領忠武軍節度使樞密帶節
度自此始也 至道二年以鎮海軍節度曹彬兼侍中充樞密
使彬自節鎮入秉旄鉞 **太平興國**六年以樞密副使石胤載

為戶部尚書文樞密使以文資正官充使自此始也太中祥符五年以知樞密院王欽若陳堯叟同中書門下平章事充樞密使儒臣為樞使兼使相自此始也皇祐五年制以樞密使高若訥為尚書左丞觀文殿學士兼翰林侍讀學士同郡牧制置使故事罷樞密使當學士院降麻及若訥罷但令舍人草詞遂以為例元豐官制行罷使副紹興七年詔宥密本兵之地事權宜重可依故事置樞密使副使開月詔宰臣兼使同月詔樞使立班序並依宰相例乾道五年以虞允文為樞密使立班恩數並依宰臣元亦置樞密使

又詳見樞密院門

羣書要語自贊襄於袞職宜總領於星樞王隨制置使典樞本

兵總務胡文恭制法樞置弼陪幄議兵同上召置法樞付申本

柯批卷宋席表位登樞省之冠蘇魏公集顯膺制命首贊樞庶本

六一集尚虛黃閣之居始建紫樞之位光膺制命登贊國機本

並同上頃陪讓於宰塗旋冠讓於宥省牋表類導上帝之命象本

在北樞本天下之兵侔于台府參裨四輔冠領萬樞並同上

位冠中書除文彥博制

古今事實

降麻閣門

唐僖宗乾符六年以李順融為樞密使降白麻於閣門出案與將相同通鑑

宣麻公朝

舊例樞密使未嘗使相皆不宣麻至周太祖初潛歷試是任乃
宣制於公朝今之宣麻自周太祖始續翰林志

東院行印

後唐樞密使凡東西院二員宋朝亦東西院但行東院印會要

殿西候旨

唐大中故事對延英雨中尉先降樞密使候旨殿西宰相奏事
畢案前受事

號稱一府

樞密使宋朝首命趙韓王普時號稱一府禮遇無間每朝奏事
與中書先後上所言用不相知祖宗亦賴此以聞異同用分
相之權會要

典掌萬機

太平興國八年王顯元樞密使上召謂曰卿代非儒門必寡學
問今在朕左右典掌萬機固無暇博覽群書命左右取軍戒三
篇賜之曰讀此則可以免面墻矣同前

位極人臣

莊宗朝郭崇韜為樞密使崇韜既位極人臣權兼內外謀猷獻
納必盡忠規士族朝論頗以收獎人物內外翕然稱之五代史

權侔宰相

梁之崇政使乃唐樞密之職蓋出納之任也至梁始用士人其
備顧問參謀議事則有之未始專行事於外也至崇韜專誨
為之始復唐樞密之名然權侔宰相矣後世因之遂分為一文

事任宰相武事任樞密安重誨傳

百度寔理

晉復置樞密院以桑維翰為使事無巨細一以委之數月之間
百度寔理五代史

諸軍直畏

周太祖之將鎮鄴也蘇逢吉請落樞密使曰樞密之任方鎮帶
之非使史洪肇曰兼帶樞密所冀諸軍直畏逢吉曰此國家之
事也且以內制外則順以外制內豈得便耶事雖不從物議之

周知四方

曾魯國宣靖公公亮字明仲拜樞密使公在政府修紀綱除弊
事裁損冗兵又更制圖籍以周知四方兵數登耗三路屯戍

地理遠近言行錄

不錯一事

王文定公召拜樞密使公在右府憂邊思職動中機會江西賴
文政柳冠陳峒李接之變淮陰劫冠等公應酬羽書號令賞罰
明審平當上亦稱其毫釐不差樞密錢良臣語公曰近郭隸嘗
云蒙宣諭王樞使在西府數年不尚錯一事樓攻魏集

汰兵為民

龐穎公籍為樞密使以近世養兵之弊多而國用困竭於是大
加簡閱揀放為民者六萬餘人減其衣糧之半者一萬餘人邊
儲由是稍蘇焉言行錄

戒軍掠錢

事類彙編

卷之十七

十一

忠壽堂

郭崇韜為樞密從魏主平蜀太軍入西川城戒諸軍剽掠法令嚴峻估一錢必論之以法市不改肆

宣撫惟卿

周文忠公必大除樞密使上曰卿在西府備殫忠勞若有邊事宣撫使惟卿可他人不能也言行錄

兵權付卿

韓世忠除樞密使上謂世忠曰朕付卿等以樞府本兵之權甚大卿宜合為一心勿分彼此則兵功全而莫之能禦顧如不水者又何足掃除乎同上

改詔救濫

張居翰同光中為樞密使僞蜀王衍既降詔遷其族於洛陽時

關東已亂莊宗慮衍為變遣中官賫詔殺之詔云王衍一行並宜殺戮其詔已經印書時居翰在密地覆視其詔乃指去行字改為家字及衍就戮止族其家近屬而已其僞宦及從行者尚千餘人皆免其枉濫居翰之功也

獻財助賞

郭崇韜為監脩國史兼樞密使初崇韜收汴洛稍通賂遺親友或規之崇韜曰余備位將相祿賜巨萬但僞梁之日遺賂成風今西方侯藩多梁之舊將皆吾射鈎斬祛之人也一旦革面化為吾人堅拒其請得無恨乎及裡郊崇韜悉獻家財以助賞給

朝服侍上

唐昭宗初即位有事于園丘宿示于武德殿時兩中尉兩樞密

皆朝服侍上

公服危坐

曹武惠王彬帝前密論天下事無不合上意而公堂會議如不能言太祖益所器重在宥密嘗公服危坐如對君父接小吏亦以禮未嘗以名呼歸私第唯閉閣冥居不妄通賓客一鼓方罷已待漏禁門矣雖霜雪不易其操如此者凡八年同上

爭事上前

慶曆二年杜衍為樞密使范仲淹出衙門下時為參知政事數爭事上前衍無愠色而仲淹益敬服之東都事畧

親賜隸字

夏竦為平章事臺諫交言其非改樞密使上親隸茶僉二字賜

之又賜文行忠信四字以勉之同上

虜使謂得人

王德用武臣也仁宗朝再入樞府為使是時富弼偕契丹使來德用伴射使者曰天子以公典樞密而富公為相可謂得人矣長編

天下望為相

田况拜樞密使天下顛顛望為宰相以致太平

不按匿名

長興二年邢州汝州成兵還見訖於殿庭遺下匿名書論本指揮元霸率欽人錢物帝冷張從賓按問樞密使范廷光奏曰匿名文字准格不治禁訟端也不道按問乃止

請定常例

大中祥符中詔樞密使帶檢校平章事者不告引止於本廳贊
喝時王欽若陳堯叟上言請定常例先是曹彬以樞密使兼相
不告引故止用彬例

厨中賜食

宋朝之制太宴樞密副使不坐侍立殿上既而退就御厨賜食
與閣門引進四方館使列坐廡下親王一人伴食每春秋賜衣
門謝則與諸司使副班于庭中故朝中為之語曰厨中賜食階
下謝衣

道中奪印

曹利用天禧三年為樞密使後拜為鄆國公退朝歸私第道中

有狂人奪其印以為不祥未幾以姪訥所累而貶死天下寃之

帳卧召問

莊宗即位郭崇韜為樞密院使時李紹宏請棄鄆州與汴人盟
以河為界莊宗不悅獨卧帳中召崇韜問計崇韜曰陛下親御
六軍長驅倍道直指大梁汴城兵望風自潰既若偽王授首賊
將自然倒戈半月之間天下必定莊宗蹶然而興曰正合吾意
莊宗入汴皆崇韜之謀也

笏擊罷出

張耆初以恩幸為樞密使時晏殊為樞密副使上言耆初無他
才能徒以恩幸遂極寵榮天下有私狗非才之議忤太后直坐
以笏擊僕出守南京上雖知其不當罷然不得已乃曰他自朕

當大用之終以為相

會議俛睡

房昂與趙延壽同為樞密使時薛文遇劉延助居中用事其聽用之言十不得三四但隨勢可否不為事先每朝廷議事昂與學士等環坐會議多於眾中俛首而睡其避事如此

讀奏不曉

五代後唐明宗不知書每四方章奏令樞密使安重誨讀之重誨多不曉文義

古今文集

雜著

除富弼樞密使制

范鎮

兵布于天下而至眾故統之有本先謀出於堂上而無窮故資之於明哲是以基於靜密式暢遠猷始乎幾微能成大務若時付畀茲謂劇艱前推恩協謀同德守正佐理功臣特進行禮部尚書同中書門下平章事昭文館大學士上柱國河南郡開國公富弼文武相資柔剛並適誠貫金石材隆棟梁往在先朝嘗為上宰至言無隱精慮有開方國計之是毗以親喪而遂去况夫西漢而下巨唐以還訖于本朝凡厥公相率就起復以為權宜而卿因執禮經懇辭恩詔二年始事四海具瞻再炳台符之文兼崇樞極之任重倍多賦庸示褒董於戲天命甚難神聖至重始初續紹正賴經綸幸元老之聿及借眾賢之同濟庶幾涼德罔累慶圖

除文彥博樞密使賜功臣制

王珪

天極環樞上通帝位之紀神兵會府內嚴師律之謀朕方垂講
不乎進德常武雖天下無事思備禦之不敢忘蓋王者有征視
安危之不敢忽適登髦傑資以輔予具官某器閎而深材敏以
濟且賁賢人之業實膺聖考之知以忠孝之名形家國之盛節
以文武之畧輯將相之大猷肆纂命於皇圖乃離憂於喪紀迨
終哀感甫見儀形屬疆事之方興煩師旄之載舉折衝境外方
將出憺於王靈收畫帳中曷若坐圖於廟勝宜長機廷之務置
符巖石之瞻於戲過任北戎未厭貪驕之志再盟西夏猶有狂
忽之圖終佇竒勳用恢遠馭

代汪樞密辭免表

汪藻

入參廟算方俟黜幽進長樞庭更叨圖舊仰荷褒揚之過實深
盈滿之憂敢布腹心仰干旋宸中謝臣竊以聖主之用人也必
量其材之所至忠臣之事主也先度其力之所堪故為之上者
靡傷知人之明為之下者得逃曠職之累一失此道兩乖厥宜
如臣者初乏經綸特緣遭遇一紀服周行之末一朝居多士之
先昨叨近弼之除已過平生之望豈有方更於晦朔居然躡次
於鈞衡雖至無知敢忘自揣伏望皇帝陛下以隆寬覆物以獨
斷馭臣知愚誠蓋出於由衷於成命何嫌於及汗別求賢佐共
圖宏濟之功無使孤蹤益重疾顛之禍

謝表

汪藻

本柄于中又汗樞機之地進班其首更叨綸綍之恩蒙眷獎之

再啟頌承新集

卷之十七

十一

汪藻

非常私瑣材而不已安危所繫榮俱交深中謝伏念臣生江湖
之鄉非廟廟之器偶扞防於牧圉蒙記錄於是旒當中興無文
武之材有慙吉甫乃一見受腹心之寄自比留侯荐膺推擇之
榮遂處嚙諸之任謀衆惟幄職總韜鈴永言國步之中方賴廟
謨之勝外有交侵之強虜內多竊發之姦民兩河未復於輿圖
二聖尚勞於岳狩非兵莫濟得士斯昌豈伊童句之腐儒堪此
朝廷之大任茲益伏遇皇帝陛下治先稽古志在宅中躬堯舜
之仁雖欲濟民於富壽據高文之憤不忘克已於憂勤詳延左
右之臣猥及下中之品臣敢不兼收羣策務究遠猷念國家嘗
膽之憂適當今日豈臣子捐軀之報或後古人

代汪副樞辭免表

汪藻

聖神有作方收海內之人豪縣薄何功遽本朝廷之兵柄顧
踰之已甚雖庸庸以知辭中謝竊惟樞筦之司實次鈞衡之任
唯時初載順信獲助於天人宜帝遠圖安危注意於將相倘以
小人而大受執宣元老之壯猷如某者生本寒鄉出陪多士早
從外補甘心簿領之勞浸齒周行敢意功名之會昨屬齋夷之
謀夏猥承明詔以臨州內撫三軍雖無奇策外乘一障僅守故
封會帥幕之肇開總兵符而入侍扞防牧圉跋履山川遠九五
御圖之初預三千同德之列負羈縶而巡天下詳知罪戾之多
聽鼓鼙而思將臣敢幸搜揚之及旣委腹心之寄仍加體貌之
優非不願榮俱終速諉伏望皇帝陛下特垂淵聽俯諒危衷收
滄汙之誤恩責捐軀之後效義非所處雖匹夫不可以利回情

有可矜在明主固容於理奪餘見樞密院類

樞密副使

歷代沿革 **五代**梁崇政院置副使一人 **周末**關宋建隆中始以樞密直學士趙普及宣徽北院使李處耘等兼樞密副使自五代以來凡樞密院皆兼用文武大中祥符七年以王嗣宗曹利用並為檢校太保充樞密院副使不帶正官 **元**樞密院有樞密使及副使行樞密院則只自副使始

古今事實

有宰輔才

諫官歐陽脩余靖蔡襄咸言樞密副使范仲淹有宰輔才器不宜局在兵處上從其請以仲淹參知政事長編

有公輔器

韓琦初罷相上問誰可以為執政者公力薦韓絳忠直有公輔之器上遂用為樞密副使既而有排毀絳者上曰韓琦之去惟薦此人朕豈可違言行錄

士民相慶

呂正獻公公著拜樞密副使初自河陽入朝都人環視相謂曰此公還朝百姓之幸也至是士民相慶既受命出殿門武夫衛卒皆歡抃咨嗟言行錄

士夫相賀

慶曆初元吳納款遂召韓琦范仲淹為樞密副使天下聞之士夫皆酌酒相賀曰上用韓琦仲淹非惟社稷幸乃天下生民之

持法守正

王文忠公堯臣為樞密副使持法守正以身任天下事凡濫恩
俸請各隨其事其事可損損之可絕絕之至其大者皆著為定
令在位六年廢職修舉皆有條理

止倖去弊

富弼除樞副仁宗責成於公開天章閣給筆札使書其所欲為
遣中使二人更督之公主北事上當世之務十餘條又自上河
北守邊十二策大畧以進賢退不肖止僥倖去宿弊為本欲漸
易諸路監司之不才者使澄汰所部吏於是小人始不悅矣
議差役弊

熙寧中韓絳遷樞密副使神宗問天下遺利公對求遺利莫若
盡地力退具疏以謂害農之弊莫甚于差役請委臺諫侍從
補邊防闕

歐陽公脩為樞密副使公在兵府與魯公取天下兵數及三
路屯戍多少地理遠近更為圖籍凡邊防久闕屯戍者必加蒐
補長編

却偽蜀獻

沈義倫為隨軍轉運使入成都獨居僧寺蔬食偽蜀有以珍寶
為獻者皆却之東歸絕圖書數卷上聞其清廉擢為樞密副使
長編

辯轉運誅

李繼隆與轉運使盧之翰有隙遂奏轉運之軍糧太宗怒召中使付三函令取之翰及某人首丞相呂端不敢言樞密副使錢若水爭之請先驗有狀然後行法上大怒拂衣起入禁中二府皆罷若水獨留廷中上既食久之使人偵視廷中有何人報云有細瘦而長者尚立馬上出詰之曰朕所以擢任以爾為賢爾乃不材如是耶尚留此安俟對曰陛下不知臣無材使得待罪二府臣當不避死以報厚恩李繼隆外戚貴重莫比今陛下據一幅奏書誅三轉運使雖有罪天下何由知之翰驗事狀明白加誅何晚馬上意解乃召呂端等奏請如若水議先令責狀三人皆黜為行軍副使言行錄

奏事書

韓琦為樞密副使兩府合班奏事琦必盡言雖屬中書琦亦對上陳其實同列尤不悅上獨識之曰韓琦性直

阿意希旨

王洵臨事明察有通時之用頗苛碎深刻不以至誠待人能阿意希旨以自固祿位與張齊賢同任樞密副使頗不協

古今文集

雜著

除歐陽脩樞密副使制

王疇

夫詩美吉甫以有文武故賢特之士無施不可朕惟天下之重兵本之寄委于廊廟之臣責其講畫之用則待遇之意付畀之際敢不慎乎苟非材英豈易圖任具官某學通古今之宜性符

履道之直議論明正懷負高爽久居禁近之從屢更中外之事
選所踐試悉著聲實今樞筦之地籌勝是經擢貳大猷適踰休
績惟公忠可以成務惟寅亮可以就功往其慎哉無廢朕命

辭樞密副使表

歐陽脩

成命始行驟驚於衆聽撫心增懼曾莫以自容臣某中謝竊以
樞要之司朝廷慎選出納惟允實贊於萬機禮遇均隆號稱於
二府顧任入之得失當繫體之重輕苟非其材所損不一伏念
器能甚薄風力不強少喜文辭始浮華而少實晚勤學古終迂
濶以自愚而自遭逢盛明擢在待從間嘗論天下之事言出而
衆怨已歸思欲報人主之知智短而萬分無補徒措危躬於禍
外每煩聖造之保全既不適於時宜惟可置之閑處故自叨還

禁署逮此七年屢乞方州幾于十請歷愚誠之懇至被明詔之
丁寧惟大度并包猥荷優容之賜而群賢在列敢懷希進之心
豈謂伏遇皇帝陛下急於求人思以濟治因柄臣之竝選矜舊
物以不遺而致遠之難力不勝者必速其覆量材不可能自知
者猶得爲明敢冀睿慈察其迫切俾回渙渥更選雋良如此則
器不假久各適賢愚之分物皆知報何勝犬馬之心

謝樞密副使表

歐陽脩

布樞虛府充位宜求於雋賢多士盈庭誤選乃先於庸妄既牢
辭之靡獲徒以寵而爲憂臣某中謝伏念臣少本賤愚初無志
慮爲小人之事力不勝於負薪程有司之文學止期於于祿過
被仁恩之樂育早從英俊之竝遊遂叨待從之流久玷論思之

地方時求治殆無補於分毫顧質早衰况漸凋於齒髮但思裁
縮敢望甄陞矧惟贊萬事之機必也極一時之選豈容濫得猥
以備負當命令之始行方惶惑以失措而睿恩至渥召旨甚嚴
莫謂懇避之誠徒負貪榮之愧此蓋伏遇皇帝陛下廓天地之
量垂日月之光憐樸直之無他謂疲鴛之可免俾承闕之以效
拙勤臣敢不奮勵無能之姿感激難遇之會職思以行庶免於
曠官謀不以身少期於報國

律詩

賀蔡副樞平羌慶捷詩

王介甫

城郭明王據兩陲軍前一日送降旗羌兵自此無傳箭漢甲如
今不鮮累幕府上公聯舊代朝廷稱慶具新儀國家道泰西戎

喙還見詩人詠申夷

簽書

歷代公華

太平興國四年石熙載

元懿公

以樞密直學士簽

書院事簽書之名自此始也八年張齊賢王沔竝以右諫議
大夫簽書樞密院事景德二年韓崇訓檢校太傅馬知節為
檢校太保竝簽書樞密院事天禧四年以華州觀察使曹瑋
為宣徽北院使鎮國軍留後簽書樞密院事簽書兼藩鎮自
此始也元豐官制行使副簽書悉罷元祐初復置簽書樞密
院事初除皆帶密直及罷政乃拜端明殿學士王彥霖劉仲
馮靖康初李回首拜延康殿學士簽書延康今為端明自是
遂為故事元詳見前樞密院

地方時駭台始無補於毫顛實早其况漸問於否後且思載

古今事實

無正負

簽書無正負為使之貳續會要

不次用

王巖叟元祐六年拜簽書樞密院入謝延和太皇太后諭曰知君才望故不次進用公遜謝而退曰願陛下用人之際更加審察邪正難辨之少差治亂所係正人在朝則朝廷安邪人一進則朝廷便有不安之象一聖深然之言行錄

訪備邊事

馮拯簽書樞密院真宗訪以邊事拯以為備邊之要當須扼襟喉據險隘以制敵之衝若於保州威虜間依徐河以布陳暴糧

其勢足以決勝事畧

建中興議

權邦彥字朝美紹興間公在樞筦知無人事無不盡謂坦乘機者三又建中興之議言行錄

學士簽書

太平興國四年石元懿始以樞密直學士簽書院春明退朝錄

檢校簽書

景德二年馬正惠以檢校太傅韓公崇訓以檢校太保並簽書樞密院事又王德用字元輔累在拜檢校太保簽書樞密院事會要

諫議簽書

興國八年張齊賢王沔並以右諫議大夫簽書樞密院事同上

宣徽錄書

端拱元年以內客省使楊守一為宣徽北院使簽書息院事同

古今文集

雜著

辭免簽書樞密院事劄子

樓鑰

惕聞渙渥俯震危衷伏念臣三際聖君四汗朝蹟仕其平進惟
義命之是安心實靡他以樸忠而自立頃嘗去國本為奉親置
散技閑又作山林之計匪敢念垢率由天地之仁雖屢遭摧剝
之餘終不至排根之甚茲逢更化首辱召還既叨長於大官且
悉歸於衆職曷為過分何敢僥求况已越於縱心比再祈於納
祿不圖睿眷擢遙樞臣典選固難尚能自勉本共尤重安得冒

居龍加秘殿之名燕預儲察之列謀恩下逮群聽皆驚殊非衰
迹之所堪抑亦多言之可畏伏望皇帝陛下收回成命改異棗
髦俾仍獻納之班馴遂退休之志倘獲免妨賢之誦庶不累知
人之明

辭免簽書樞密院事表

樓鑰

謀恩下逮俾綴通聯遂膺上陳未頌俞旨仰冒蓋高之聽不燕
耳瀆之煩中謝洪惟累朝特重右府豈獨為三軍五兵之本抑
使聞一日萬幾之微才則甚難官何必備顧愚臣之無取荷上
意之深知起之掛冠閒廢之餘處以持橐清華之舊強顏浸久
告老未請尚不堪朝夕之論思何以禪夙夜之宥密進寓承明
之直更列元良之賓揣已奚堪逾涯莫甚欲效皇帝陛下俯垂

淵鑒洞察沈衷念已迫於桑榆蓋居閑地倘未遺於簪笏姑真
從班別求經濟之材以翊昇平之運

謝簽書樞密院事表

樓鑰

銓部為真猶未經於浦歲機廷造貳乃遽辱於頒恩遂避靡逞
周章增湯中謝竊以官莫崇於執政職無重於本共必求文武
之全材以任國家之重事邊隅甫定尚勤宵旰之憂邦域以寧
允藉弼諧之助豈應疲瘁可與幾微如臣者資實庸儒仕叨沐
從由又司於封駁故多積於怨仇十載歸閑仰戴乾坤之施一
朝收召復觀日月之明不堪聽履之華復上番車之請敢期誤
渥俾贊洪樞血氣既衰止合奉身而去軍旅未學曷知基命之
嚴班書殿之清班泰儲局之下客被繡轡於上駟束銀帶以龍

衣來食有加寵榮已甚茲蓋伏遇皇帝陛下人惟求舊政務圖
新謂代言於受禪之初未忘孤迹迨趣遠於更化之始深閱凋
年豈云術業之可稱蓋自眷私之過厚遂容僥倖倍切凌兢臣
敢不深感隆恩愈堅晚節老當益壯固欲殫報主之忠耄夫無
能終恐負知人之鑒

同簽書

古今事實

始於治平

樞密院舊制無同簽書樞密院事者治平始以郭達為之神宗
正史職官志 治平二年命郭達以宣徽使為同簽書樞密院事
長編

諫議同簽

太平興國八年張司空齊賢王公濟並以諫議大夫同簽書樞密院事春明退朝錄

處資淺才

簽書大抵以處資淺之人若簽書一經親祠方進同知及樞副若武臣擢預國政只除同簽書職源

舊都承旨

都事

歷代沿革都事舊無其官宋樞密院有都承旨以其職也蓋自太平興國中以楊守一充都承旨都承旨自守一始是時都承旨多用士人真宗後稍稍遂用吏人歐陽脩建言請復舊

制不克行熙寧二年始以東上閣門使李誥為樞密都承旨不用院吏而更用士人自誥始也熙寧五年以尚書比部員外郎集賢校理司脩起居注曾孝寬為起居舍人充史館脩撰兼都承旨先是或用士人亦止於右職中選用文館兼領自孝寬始也元豐三年用張誠一為客省使都承旨自是都承復用武臣元祐中復以文臣帶待制充都承旨至崇寧以後則專用武臣矣紹興二年權禮部侍郎趙子書充徽猷閣待制密院都承旨自改官制後除太皇太后自子書始建炎四年高宗在會稽以武臣辛道宗為都承旨頗用事紹興元年十一月辛道宗既免乃詔依元祐職制置都承旨一員並差兩制為之樞密院可無都承旨而有都事之官名異而職則也

羣書要語宣納密命

曲阜除范純禮制

贊右府訂謨之微同上

樞機之地親承密旨雖在副介亦須得人

曲阜除曹誘制陪輔

帷幄以承密旨除劉奉臣制

右府管天下之機務而承旨佐佑

參總焉淇水除張誠一制

古今事實

掌宣密命

都承旨副承旨掌承宣密命通領院務若便殿侍立閱試禁衛

兵校則隨事敷奏承所得旨以授有司四朝志

檢察功過

都承旨從五品副承旨正六品通領院務及承百司之事檢察

主事以功過而陞黜之凡御崇政延和殿則陞陪侍立

衛兵校試技藝及蕃國人見則隨事敷奏所得旨以授有司神宗正史職官志

請委疆事

王巖叟字彥休為樞密都承旨湖北諸蠻互出擾邊公專請以疆事委荆南唐義問遂草檄文諭義問以朝廷方敦尚恩信分爲激倖功賞之意其後終底綏寧言行錄

為言邊防

洪文安遵蕙權樞密院都承旨公既以近臣兼承密旨邊防民隱每為上言二衛春夏牧馬夏抵城仰給蘇湖秀三州適積水涂田有司預請倍輸夏麥以補芻粟北虜索劉孝恭等二百家公皆執不可軍器利敝命公料簡公區別良窳衆謂非孰於軍

旅者不能也。上以是有太用意。

周益公集

正人宜留

劉安世作都承旨待制范相

純仁之出

由安世童疏已而復拜

呂相

大防

遂擬安世真定宣仁難之。呂云劉安世曾言范純仁

今既復用宜少避之。宣仁曰今既不作言事官自不相妨。其後

樞密院奏事宣仁由前語韓師朴

忠彥

如呂之對宣仁曰如此

正人宜且留朝廷遂輟

言行錄

文館兼領

熙寧五年以尚書比部員外郎曾孝寬充史館脩撰兼都承旨

文館兼領自此始

古今文集

雜著

樞密院員屬題名記

楊廷秀

此記為都承旨作其間以事其事不事其事反覆為言則今日
建都事之職亦此意也。中書樞密院曰一府國朝之制也亦因
也。樞密之屬曰都承旨副承旨曰檢詳曰編脩在祖宗時都承
旨則曾孝寬韓縝檢詳則王存劉奉世編脩則顧臨錢長卿皆
其選也。中興損益至今曰都承旨李公昌圖乃克為之屬某記焉
十年矣而壁記未立。今都承旨李公昌圖乃克為之屬某記焉
士之言曰樞屬與宰屬異。與暇也。暇者無事乎爾也。樞屬無
事乎爾耶。無是事無是官。有是官斯有是事矣。有是事則必事
其事。事其事則不暇矣。曰暇者無乃不事其事而強委之曰無

事乎。事其事以樞屬之職是乎。未也。等而上之曰使曰副曰知院曰同知曰僉書曰同僉書其號殊其建不並其為長貳均也。建其長又建其貳又建其屬者何。上表遺下之禪也。下無以禪其上而曰吾惟事其事足也可乎。古者工以藝諫。氓蠹以士師諫。工與士師非諫職也。然事君之誼有非職者乎。無也。而為樞屬。顧曰吾暇無事也。否則曰吾事其事足矣。否則曰吾禪其上足矣。至於事君之誼則曰思不出位。又曰不如守官外乎。此非吾職也。然則古之工與士師過矣。豈惟工與士師。孟子曰立乎人之本朝而道不行耻也。然則孟子亦過矣。其然乎不然。吾徒獨得而不思其職也。淳熙十二年五月三日廬陵楊某記。

新編古今事文類聚新集卷之十七

終

早稲田大学図書館

011488554141